

100 laust, að ákvæði reglugjörðarinnar um að skip, sem leita hafnar sökum sjó-
24. júlí. skemmda, skuli undanþegin hafnargjaldi, geti ekki veitt skipum þessum undan-
þágu frá hinu almenna boði í reglugjörðarinnar I. kafla 1, að af þeim beri að
greiða gjaldið, þegar þau í fyrsta skipti eptir komu frá útlöndum eða í
fyrsta skipti á árinu leita inn á höfnina, án þess nefnt skilyrði sje fyrir hendi,
þá verð jeg að vera amtmanninum samdóma um, að fullt gjald hafi átt að
greiða af skipinu »Deux frères« þegar það kom í júnímán. 1891. Gjaldið, 3,75
kr. er því rjettilega talið til ábyrgðar, og sje jeg ekki ástæðu til að breyta úr-
skurðinum að neinu leyti, nje heimild til að samþykkja, að ábyrgð falli niður
í þetta sinn.

101 Brjef landshöfðingja til sýslumannsins í Mýra- og Borgarfjarðarsýslu um
31. júlí. bókun á aukatekjum, er sýslumönnum bera. — Út af þóknanlegu brjefi yðar,
herra sýslumaður, dags. 4. þ. m. viðvíkjandi því, hvort ekki beri að halda sjer-
staka bók yfir aukatekjur þær, ferðakostnað m. m., sem sýslumönnum ber
samkvæmt lögum Nr. 2 frá 2. febr. þ. á., skal yður hjer með þjónustusamlega
tjáð, að tjeðar tekjur má færa inn í dálk þann í aukatekjubókinni, sem í reglu-
gjörð um innheimtu og reikningsskil á aukatekjum 25. maí 1878 er ætlaður
fyrir gjöld þau, sem embættismönnum bera samkvæmt lögum 14. desbr. 1877
2. gr. o. s. frv., og verður fyrirsögn dálksins þá: Gjöld samkvæmt lögum nr.
2, 2. febr. 1894.

102 Brjef landshöfðingja til amtmannsins í Suðuramtinu og Vesturamtinu um
11. sept. flutning á þingstað. (Ágrip). — Með brjefi þessu var leyft að flytja þingstað
Flatteyjarhrepps úr Svefneyjum til Flatteyjar, með því skilyrði, að hreppsnefndin
sjái um, að jafnan sje til sæmilegt hús til þinghaldanna á hinum nýja þing-
stað.

103 Brjef landshöfðingja til biskups um flutning kirkju. (Ágrip). — Með brjefi
11. sept. þessu var samkvæmt lögum nr. 3, 27. febr. 1880, 4. gr., sbr. lög nr. 5. s. d.
12. gr., samþykkt, að Garðakirkja á Akranesi væri lögð niður og flutt niður á
Skipaskaga, og endurreist þar á Bjargslóð á svæði því, er þar hefur verið
gefið til kirkjubýggingarinnar.

104 Brjef landshöfðingja til amtmannsins í norðuramtinu og austuramtinu um
12. sept. ráðstafanir til þess, að lög um bæjarstjórn á Seyðisfirði 8. maí þ. á. geti gengið í
gildi. — Samkvæmt 32. laga um bæjarstjórn á Seyðisfirði 8. maí þ. á. er hjer
með skipað fyrir svo sem nú skal greina:

1. Hreppsnefndinni í Innahreppi (sbr. lhbr. 23. nóv. 1893, Stjórnart.
1893 B bls. 210) ber að semja kjörskrá yfir alla þá kjósendur þess sveitar-

fjelags, er fullnægja skilyrðunum fyrir kosningarjetti til bæjarstjórnar samkvæmt **104**
 5. gr. laga 8. maí 1894, fyrir miðjan desembermánuð næstkomandi, og skal **12. sept.**
 hún úr sínum flokki kjósa tvo menn í kjörstjórn, til þess ásamt sýslumannin-
 um í Norður-Múlasýslu sem oddvita að stýra kosningum til bæjarstjórnar, og
 skal sú kjörstjórn annast um, að kjörskráin liggi til sýnis á hentugum stað
 hálfan mánuð á undan kjördegi.

2. Oddvita kjörstjórnarinnar ber að boða til kjörfundar, er haldinn
 skal fyrsta virkan dag í janúarmánuði 1895, með nægum fyrirvara samkvæmt 8. gr.
 laganna, og skal á þeim fundi kjósa 6 bæjarfulltrúa fyrir Seyðisfjarðarkaupstað
 samkvæmt 4. og 6. gr. laganna, en hreppsnefndin í Innrahreppi skal gegna
 störfum sínum þangað til hinir nýkosnu fulltrúar taka við bæjarstjórn sam-
 kvæmt 9. gr.

3. Áætlun sú um tekjur og útgjöld Innrihrepps, sem gjörð hefur verið
 og framlögð fyrir yfirstandandi fardagaár samkvæmt 1. gr. laga 9. jan. 1880,
 skal gilda sem áætlun um tekjur og gjöld Seyðisfjarðarkaupstaðar til fardaga
 1895, og skal niðurjöfnun hreppsgjaldanna, er hreppsnefndin gjörir samkvæmt
 sömu lagagrein 1.—20. október næstkomandi, gilda sem niðurjöfnun fyrir
 Seyðisfjarðarkaupstað til sama tíma.

4. Bæjarstjórn Seyðisfjarðarkaupstaðar annast um, að mældir sju til
 lóðargjalds grunnar allir undir íbúðarhúsum og geymsluhúsum og öll óbyggð,
 útmæld lóð kaupstaðarins (sbr. 19. gr. laganna). Skal hún síðan innan loka
 marzmánaðar semja áætlun um tekjur og gjöld kaupstaðarins frá fardögum
 1895 til ársloka, er rædd sje á tveimur fundum með viku millibili, og liggi til
 sýnis 14. daga innan maímánaðarloka.

5. Kjósa skal 5 menn í niðurjöfnunarnefnd til bráðabirgða, eptir að
 bæjarstjórnin er komin á laggirnar, og skal sú nefnd hafa setu þangað til ný
 kosning getur fram farið eptir 21. gr. laganna í septembermánuði 1895. Hún
 skal samkvæmt áætluninni jafna niður samkvæmt 20. gr. hinum áætluðu gjöld-
 um fyrir tímabilið frá fardögum 1895 til ársloka (sbr. 19. gr.).

Jafnframt því að tjá yður þetta, herra amtmaður, til frekari birtingar
 og ráðstöfunar til framkvæmda, vil jeg þjónustusamlega skora á yður, að
 leggja fyrir sýslumanninn í Norður-Múlasýslu, að taka til starfa sem bæjar-
 fógeti í Seyðisfjarðarkaupstað með svæði því, er samkvæmt 1. gr. laga 8. maí
 þ. á. verður lögsagnarumdæmi út af fyrir sig, frá 1. janúar næstkomandi að
 telja, og gangast fyrir því, að ákvæðum laganna sje hlýtt að því er snertir
 kosning nefnda, starfsmanna o. s. frv. og ber hinni tilvonandi bæjarstjórn að
 senda hingað tillögur um yfirskattanefnd fyrir kaupstaðinn samkv. 19. gr. laga
 um tekjuskatt, 14. desbr. 1877.

Reikningur

105

yfir tekjur og gjöld jafnaðarsjóðs Austuramtsins 1893.

Tekjur:

I. I sjóði frá f. á.: